

utriusque memoria et argumenti similitudo etiam tertium ad eundem auctorem reuocari iubet fragmentum 101 in iisdem scholiis seruatum. Corruptelas quibus hoc etiam magis quam illud laborat nihil moror: nam lubricum est eas corrigere ante meliores scholiorum codices collatos, ex quibus quanta disci possint, felici Wilamowitzius docuit inuento. Neque obscuram *βοηδρόμιος* epitheti originationem anquirere operae pretium uideatur mirum illud *Διώνυσος* et *Ίσις* nominum ueriloquium spectanti: *λέγοντες καὶ διὰ τοῦτο κεκλήσθαι Διώνυσον ὡς ἐκ Λιὸς ἐς νύσας ἕλονται · νύσας γὰρ φησὶν (l. φασ ν) ἐκάλοιν τὰ δένδρα · εἶτα ἐπεξίασι φυσικώτερον τῷ λόγῳ λέγοντες Ίσιν μειωνομάσθαι τὴν γῆν ἀπὸ τῆς περὶ τὴν θέσιν τὴν κατὰ μέσον ἰσότητος* (fr. 1 a). Talia igitur a *Τέως* nominis originatione fr. 112 prodita satis diuersa in seriorem Autochthonum auctorem bene conueniant, quem cur non credamus esse Lerium, causam uideo nullam: quae ratio ipsa etiam simplicitate nisi fallor praestat Gutschmidii sententiae, qui apud Flachium l. d. p. 223 Atheniensem et Lerium eundem esse obtinet, ut tamen et Autochthonas et quae Suidas Lerio tribuit praeter libellum *περὶ Λέρον* ad Atheniensem iuniorem referat de rebus sacris Atticorum scriptorem. Superest ut de theogonia uideamus semel in scholiis Apollonianis de Typhois exitu allata, quam ab Atheniensis primo libro non esse diuersam Sturzio p. 154 ac Muellero eo minus aduersor, quoniam in multitudine locorum Pherecydis a scholiis illis seruatorum unum Syrii esse parum profecto est credibile. Sed non debebant Muellerus et Gutschmidius procliuem sane Suidae errorem imitantes cum Atheniensis libro confundere *θεολογίαν*, quam excitat Apollonius de pronomine p. 82 Bk. s. 65, 15 Sch. *καὶ Φερεκύνδης ἐν τῇ θεολογίᾳ καὶ ἐπι Δημόκριτος — συνεχέστερον γράωνται τῇ ἐμεῦ καὶ ἐπι τῇ ἐμέο*: quocum iungendum alterum eiusdem testimonium de Democrito Pherecyde Hecataeo sinceræ Iadis auctoribus p. 118 s. 93, 2. At neque hoc nomine potuit Atheniensis scriptor laudari et *θεολογίαν* Clemens Strom. V, 8 p. 676 apertis uerbis Syrio uindicat, quem etiam ab aliis *θεολόγων* nuncupatum esse loci a Sturzio p. 28 congesti demonstrant.